



NOTA DE PRENSA DO MÉRCORES 3 DE DECEMBRO 2008.

ACORDOS TOMADOS NA ASEMBLEA DE VECIÑOS DE BÉRTOLA EN VILABOA (Pontevedra):
MARTES 2 DE DECEMBRO ÁS 19,30H NO LOCAL DA COMUNIDADE DE MONTES DE BÉRTOLA
(no recinto das festas)

Tralo acto informativo realizado o martes 2 as 19,30h no local da comunidade de montes de Bértola na que Julio Carmona (vogal da APDR, responsábel da campaña polo uso racional da telefonía móbil) informou sobre a relación actual sobre ANTENAS E SAÚDE, máis a información aportada por Francisco Torres (concelleiro de medio ambiente do Concello de Vilaboa) e polos representantes da Comunidade de Montes de Bertola (alugadores do espazo dunha das antenas); chegouse as seguintes conclusións:

- Solicitar un ESTUDO EPIDEMIOLÓXICO a Consellería de Sanidade centrado no núcleo de Saxosa, ante a acumulación de casos de cancro en dito núcleo onde se concentran a exposición a 3 torretas de telefonía móbil (unha en Bertola e 2 en Salcedo –Pontevedra-) de máis de 10 anos de implantación e que non teñen entre si máis de 20 metros e están situadas a menos de 200 metros dunha residencia xeriátrica.
- Solicitar ao Concello de Vilaboa a elaboración dunha ORDENANZA MUNICIPAL REGULADORA das INFRAESTRUTURAS RADIOELÉCTRICAS (baseada no principio de precaución que se desprende da recente Resolución do Parlamento Europeo (*); **que, entre outros, marque os prazos máis rápidos posibles para unha nova localización das antenas – actualmente ilegais-** [evitando núcleos de poboación e proximidade a zonas sensíbeis -centros de ensino, de maiores, sanitarios, etc- a máis de 300 metros]
- Solicitar ao Concello de Pontevedra a **inmediata suspensión de emisión das antenas de telefonía ilegais** (sen Licenza de Actividade) na zona de Salcedo, mentres acometan igualmente unha regulación municipal baseada no principio de precaución que se desprende da resolución do Parlamento Europeo).

IMPORTANTE:

O Concelleiro de Medio Ambiente do Concello de Vilaboa asumiu a responsabilidade de presentar a proposta dunha ORDENANZA REGULADORA BASEADA NO PRINCIPIO DE PRECAUCIÓN “que se non ten inconvenientes no seu trámite podería estar vixente en xuño de 2009”; así como a petición a Sanidade dun estudo epidemiolóxico.

O Vogal da APDR comprométese a que a súa asociación medie ante o Concello de Pontevedra para que se tomen as medidas oportunas a unha RECOLOCACIÓN DAS ANTENAS DE SALCEDO pretas ao núcleo poboacional de Saxosa.

Pontevedra, 3 de decembro de 2008

Julio Carmona Barros, vogal da APDR

(*) Segundo os consellos da Axencia Europea de Medio Ambiente e o Informe Bioiniciativa base da Resolución do Parlamento Europeo de 4 de setembro de 2008 na que declara os actuais límites de exposición aos campos electromagnéticos como OBSOLETOS e insuficientes para protexer a poboación e especialmente aos grupos vulnerábeis, chamando a cambiar ditos límites.